




[www.BibleForChildren.org](http://www.BibleForChildren.org)


# उत्पत्ति 1




सुरु मे परमेश्वर ने आकाश अरु  
पृथ्वी की रचना करी



धरती बिगडी अरु सुनसान पडी  
थी, अरु गैहरो पाणी का उपर  
अंधारो थो; ओसोइ परमेश्वर कि  
आत्मा पाणी का उपर घुमीरी थी.




जब परमेश्वर ने बोल्यो, “उजालो हो,” ते उजालो हुय गयो.  
अरु परमेश्वर ने उजाला खे दिन अरु अंधारा खे रात बोल्यो तथा संजा,  
हुय फिर फजर हुय यो प्रकार पैयलो दिन हुय गयो.



परमेश्वर ने बोल्यो, “पाणी का बीच एक असो भाग हुये कि पाणी दो भाग हुय जाये” अरु परमेश्वर ने उ अन्तर खे आकाश बोल्यो तथा संजा हुय फिर फजर हुय असो दूसरो दिन हुय गयो.




फिर परमेश्वर ने बोल्यो, “बदल का नीचे का पाणी एक जगा मे जमा हुय जाये अरु सूखी जमीण दिखैइ दि,” अरु वसो ही हुय गयो.  
अरु परमेश्वर ने सूखी जमीन खे पृथ्वी बोल्यो, तथा जो पाणी जमा हुयो ओ खे ओने समुदर बोल्यो; अरु परमेश्वर ने देख्यो कि अच्छो हइ.



फिर परमेश्वर ने बोल्यो, “धरती से हरी घास, तथा बीज आला  
छोटा-छोटा झाड, अरु फलदेन आलो झाड भी जेका बीज उन मे  
एक-एक की जाति का अनुसार होस हइ  
धरती पर उंगायो,” अरु ओसो  
ही हुयो. तथा संजा हुय फिर  
फजर हुय यो प्रकार  
तीसरो दिन हुय गयो.




तब परमेश्वर ने दो बडो उजालो बनायो; उनमे से बडो उजाला  
खे दिन पर प्रभुता करन का लिये, अरु छोटो  
उजालो खे रात पर प्रभुता करन का लिये  
बनायो; अरु तारा खे भी बनाया. तथा  
संजा हुय फिर फजर हुय यो प्रकार  
चौथो दिन हुय गयो.




फिर परमेश्वर ने बोल्यो, “पाणी  
जींदा जनवरहोन से भोत ही भरी  
जाये, अरु चिडी धरती का उपर  
आकाश का मध्य उड्ये.”

तथा संजा हुय फिर फजर  
हुय यो प्रकार पाँचवो दिन  
हुय गयो.




फिर परमेश्वर ने बोल्यो, “जो कुछ बन्यो हइ उ जमीन से पैदा हुयो हइ, एक-एक जात का जींदा जनवर, अर्थात् घरेलू जनवर, अरु रेंगन आला जन्तु, अरु धरती का जंगली जनवर, जात-जात का अनुसार पैदा हुये,” अरु ओसो ही हुय गयो.




फिर परमेश्वर ने बोल्यो, “हम इन्सानहोन खे अपना स्वरुप का अनुसार अपना समानता मे बनाये; अरु वे समुंदर की मंच्छीहोन, अरु आकाश का चिडी, अरु घरेलू जनवर, अरु पुरी धरती पर, अरु सब रेंगनआला जन्तुहोन पर जो धरती पर रेंगस हइ, अधिकार रख्ये” तब परमेश्वर ने अपना स्वरुप मे इन्सान खे रच्यो, अपना ही स्वरुप मे परमेश्वर ने इन्सान की रचना करी; इन्सान अरु बइ का रुप मे ओने इन्साहोन खे बनाया. तब परमेश्वर ने जो कुछ बनायो थो, सब खे देख्यो, ते का देख्यो, कि उ भोत ही अच्छो हइ अरु संजा हुय फिर फजर हुय यो प्रकार छठवो दिन हुय गयो.




तब यहोवा परमेश्वर ने इन्सान खे लि खे अदन का बगीचा मे रखी  
दियो, कि उ ओमे काम कर्ये अरु ओकी रखवाली कर्ये.



अरु यहोवा परमेश्वर ने इन्सान  
खे या आज्ञा दी, “तू बगीचा  
का कोय भी झाड को फल  
खै सकस हइ; पर भला या  
बुरा को ज्ञान को जो झाड हइ,  
ओका फल तू कभी नी खानु :  
क्युकि जो दिन तू ओको फल  
खाये उय दिन जरुर मरी जाये.”



आखरी इन्सान ने सब जात का घरेलू  
जनवरहोन, अरु आकाश का चिडीहोन,  
अरु सब जात का जंगली जनवरहोन को  
नाम रख्या; पर आदम का लिये कोय  
असो मदतगार नी मिल्यो जो ओकासे  
मेल खै सक्ये.




तब परमेश्वर ने आदम खे गैयरी नींद मे डाली दियो, अरु जब उ सोइ गयो तब परमेश्वर ओकी एक पसली निकाली खे ओका जगा माँस भरी दियो. अरु परमेश्वर ने वा पसली खे जो ओने आदम मे से निकाली थी, बइ बनै दि; अरु ओ खे आदम का पास ली आयो.



यो कारण अदमी अपना माय-बाप खे छोडी खे  
अपनी लुगय से मिली खे हिये अरु वे एक ही तन  
बन्या हिये.



क्युकी परमेश्वर ने जगत से असो प्रेम रख्यो कि  
ओने अपनो एकलौतो बेटो दि दियो, ताकि जो  
कोय ओ पर विश्वास कर्येका उ नाश नी  
हुइ खे पर अनन्त जिवन पाये.



रोमीयो 3:23 येकालिये कि सब ने पाप कऱ्यो हइ अरु परमेश्वर कि महिमा से ङहेस हइ,

रोमीयो 6:23 क्युकी पाप की मजुरी मरनो हइ, पन परमेश्वर को वरदान हमारो प्रभु मसीह यीशु मे आखरी जिवन हइ.

इब्रानीहोन 9:27 अरु जसो इन्सान का लिये एक बार मरनो अरु ओका बाद न्याय को होनो नीयुक्त हइ,

इपिसियो 2:8,9 क्युकि अनुग्रह ही से, विश्वास का वजेसे तुम उध्दारमील्यो हुयो हइ. येका करण तुम नी, यो परमेश्वर को वरदान हइ अरु यो काम होन को प्रतीफल नी हइ कि कोय घमण्ड कऱ्ये.

रोमीयो 10:9,10 की अगर तु अपना मुडा से यीशु खे प्रभु जानी, अंगीकार कर्हे अरु अपना मन से विश्वास कर की परमेश्वर ने उ मरन हुयो मे से जलायो, ते तु स्वतत्रता कर्यो जाये. विश्वास करणा से हम परमेश्वर कि धार्मीकता का सात सही रिस्ता मे से आस हइ अरु उध्दार मुडा से कबुल करणा से मुक्ती पास हइ.



यहून्ना 3:16,17 क्युकी परमेश्वर ने जगत से असो प्रेम रख्यो कि ओने अपनो एकलौतो बेटो दि दियो, ताकि जो कोय ओ पर विश्वास कर्येका उ नाश नी हइ खे पर अनन्त जिवन पाये. परमेश्वर ने अपना बेटा खे दुन्या मे येका लिये नी भेज्यो, कि जगत पर दण्ड की आज्ञा दे, पर येका लिए कि दुन्या ओका वजेसे उध्दार पाये.

1 यहून्ना 5:11-13 अरु वा गवइ या हइ कि परमेश्वर ने हम खे अनन्त जिवन दियो हइ, अरु यो जिवन ओका बेटा मे हइ. जेका पास बेटो हइ, ओका पास जिवन हइ अरु जेका पास परमेश्वर को बेटो नी, ओका पास जिवन भी नी. मे ने तुमखे जो परमेश्वर का बेटा का नाम पर विश्वास करस हइ येका लिये लिख्यो हइ कि तुम जाननु कि अनन्त जिवन तुम्हारो हइ.



# उत्पत्ति 1-2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: Bob Davies, Tammy S.

Gowlan Bible (goj) ©The Word for the World International  
and Gawlan Translation Samiti, Telkhar,  
Maharashtra, India, 2025.

<https://www.bible.com/bible/4050/MAT.1.GNN25>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

